

Тазкия дарслари (116-дарс). Ашаддий хусуматчи



ТАЗКИЯ дарслари 116-дарс

Тазкия дарслари Шайх Мұхаммад Содик Мұхаммад Юсуф роҳимаҳуллоҳнинг
“Тасаввүф ҳақида тасаввур” ва “Рұҳий тарбия-1-2-3” китоблари асосида бериб борилади.
Мавзуларнинг тўлиқ матни билан танишиш учун китобнинг ўзига мурожаат этиш тавсия этилади.



ISLOM.UZ

13:00 / 26.12.2020 4347

Иккинчи оғат – ботил сўзга киришиш.

Ботил сўз ичкиликбозлик мажлислари ва фосиқларнинг қилмишларига
ўхшашиб нарсалар ҳақидаги гаплардир.

لَأَقْمَلَ سَوْلَانَعُ لَصَبَّنَ لَلَّا يَصْرَهُ رِيْرُهُ بِأَنَعَ
دَغْبَلْرَانَلَا يَفْلَزِي أَهِيفُنْ يَبَتَيْ أَمْمَلَكْلَابُ مَلَكَتَيْلَذْبَغْلَانِإِ
مُلْسُمَوْيَرَاحْبَلَأَوْدَمْحَأَوْرَ .»بُرْعَمْلَأَوْقَرْشَمْلَانِيَبَأَمْ

Абу Ҳурайра розияллоҳу анҳудан ривоят қилинади:

«Набий соллаллоҳу алайҳи васаллам: «Банда билиб-бilmай бир сўзни айтади ва шу туфайли дўзахнинг мағриб билан машриқ орасидан ҳам чуқур жойига тушади», дедилар».

Аҳмад, Бухорий ва Муслим ривоят қилишган.

Жанжал ва тортишувлар ҳам ботил гапга яқин нарсалардир. Уларда бирорнинг хатосини исбот қилиш учун низолашилади. Бунга бирордан устун келиш истаги сабаб бўлади.

Агар масала динга тегишли бўлса, мункар нарсани инкор қилиш ва тўғрисини баён қилиб бериш зарур. Аммо гап дунё тўғрисида бўлса,

талашиб-тортишиб ўтиришнинг кераги йўқ. Бу оғатнинг давоси ўз фазлини изҳор қилишга сабаб бўлган кибрни синдиришдан иборат.

Жанжал ва тортишувлардан каттароқ оғат хусумат қилишдир. Айниқса, ботил йўл билан ва илмиз равишда хусумат қилиш жуда ҳам ёмон иш. Чунки у қалбларни ҳасадга тўлдиради, ғазабни қўзитади ва бирорларнинг обрўсини тўкишгача олиб боради. Шунинг учун ҳақ эгаси ҳам хусуматлашишдан иложи борича ўзини олиб қочгани афзал.

مَلَسَ وْ يَلَعُ مَلَلَ اَيْلَصَ يَبَنَلَ اَنَعُ اَمْنَعُ مَلَلَ اَيْصَرَسَ اَبَعَ نَبَانَعَ
يَذْمُرْتَلَ اَهَارَ . اَمْصَحَلَ اَزَرَ اَلَّا كَبَىْفَكَ « اَلَّا قَ»:

Ибн Аббос розияллоҳу анҳумодан ривоят қилинади:

«Набий соллаллоҳу алайҳи васаллам:

«Сенинг хусуматчи бўлиб туришинг гуноҳкорлик учун етарлидир», дедилар.

Термизий ривоят қилган.

لَّا قَ مَلَسَ وْ يَلَعُ مَلَلَ اَيْلَصَ يَبَنَلَ اَنَعُ اَهَانَعُ مَلَلَ اَيْصَرَهَشَئَاعَ نَعَ
يَئَاسَنَلَ اَوَنَأَحْيَشَلَ اَهَارَ . اَمْصَحَلَ اَدَلَ اَهَلَلَ اَيْلَاجَرَلَ اَصَغَبَأَ

Оиша розияллоҳу анҳодан ривоят қилинади:

«Набий соллаллоҳу алайҳи васаллам: «Аллоҳ учун одамларнинг энг ёмон кўрилгани ашаддий хусуматчидир», дедилар».

Икки шайх ва Насоий ривоят қилишган.

«Ашаддий хусуматчи» сулҳни қабул қилмайдиган, жанжални пулга сотиб оладиган шахсадир.

«Руҳий тарбия» китобидан